

範

衍

範衍題辭

有宋明道先生欲著洛書有志
未就愚何人斯而謂能成明道
先生之志歲甲辰東遊至于魯
濟間若或有啓之云洛書洛所
出之神龜也河出圖洛出書聖

人則之聖人則圖畫卦則書叙
疇圖著數也卦筮法也書龜
也疇卜法也或謂夫子贊易極
著著卦之德著重而龜不傳龜
何曾不傳書至今存謂龜至今
神疇至今存謂龜至今傳可也

後世筮法僅存卜法久湮靈基
一書幾于倣易而作然以四上
四中四下爲變僅似小成八卦
而大成之義有所未盡若所傳
珎法籤法珎自一而三自三而
九又三之而二十七旣通卦數

亦通疇數未易輕擬籤自一之
百則十幹之天數或百有二十
則十二支之地數或三百有六
十則三百有六旬之朞數千數
有取于象無據楊子雲太玄蔡
九峰皇極皆根據洛書而有發

明非苟作者然玄畫四而贊辭
九畫無當于名贊無當于畫皇
極自一至九擬一爲一擬而爲
九與陰陽奇偶之畫不倫以吉
咎祥吝平悔災休凶九字爲上
有卦辭無爻辭又無變動之意

與玄之例以陰陽晝夜分吉凶
亦畧相同洞極之二十七象以
生育資分天地人三極每極之
中各有九變數本洛書意實擬
玄潛虛始元終餘以天之中數
五五而乘之爲二十有五以地

之中數五六而乘之爲三十合
之爲五十五行廼其變七占五
無當于畫與太玄同名與畫不
倫與皇極同朱子謂太玄零星
補湊潛虛用五只似如今筭位
一般亦爲補湊之書蔡西山氏

則以楊氏之太玄關氏之洞極
司馬氏之潛虛皆以不知而作
目之愚不揆量竊謂模倣易象
而為玄之一一畫與皇極潛虛之
一而等畫似皆蛇足曷若龜惟
求洛之舊契原數以為兆綜九

章以考占以一見占五行以二
見占五事以三見占八政以四
見占五紀以五見占皇極以六
見占三德以七見占稽疑以八
見占庶徵以九見與隱占福極
蓋龜從洛出能知天道其自一

至九四十五畫見于龜背皆神明自然之拆文一一皆有吉凶可貞問故謂之卜非凡龜而皆有之非踵洛而能疊出者洛不出書龜非神龜卜非太卜或以三兆三體爲占或以四時分四

體戊己居中以統爲占或又立
五鄉分五行係之六神以枝兆
雷動爲占或又分體色墨拆爲
占皆非實有卜兆遺書爲金滕
所簒爲太史所職如箕子所傳
禹疇九章卽爲龜卜全書之實

據記以麟鳳龜龍爲四靈非聖
王在上不爲畢至洛之神龜河
之龍馬止一出于羲禹時知龍
馬特異于凡馬則知神龜更異
于靈龜龜有十類首神次靈禮
之所登而卜者亦靈龜耳非神

龜也禮三正曰天子龜一尺二寸諸侯一尺大夫八寸士六寸龜千歲尺有二寸六寸以上必五百餘歲非此不靈不靈何卜今乃日徵靈于不滿六寸所在而是之龜以致不勝剗剔焚灼

之衆恐龜生日蹙而去龜占爲
益遠也夫書卽神龜原拆範卽
神禹卜法求洛龜之舊稽禹疇
之卜因數成變因變考占因占
設教因事示戒卽未知明道先
生在當時欲如何爲著竭蹶今

愚追求前哲未必其當與否然
卦以兩畫成于八疇以兩畫成
于九卦之六十以八乘之爲
五百一十二疇數旣符卦數著
卦一揲盡于六十四龜疇一灼
盡于八其六十四卜法卽同揲


法且一六兆雨二七兆霽三八
兆蒙四九兆繹五兆克又一
確實畧無影響疑似使人難曉
庶幾著龜竝存而爲吉凶與民
同患之一助若謂遂能成明道
先生之志又謂或可妄補九峰

皇極釋文未備之遺此則非謬
妄之敢與知矣敬以俟潛心義
禹神明箕子之學之君子

萬曆丙午冬十一月至日戊子
毘陵錢一本識

無錫邵承范書

大禹則洛書以作範圖



周書洪範

惟十有三祀、王訪于箕子、王乃言曰、嗚呼、箕子、惟天陰騭下民、相協厥居、我不知其彝倫攸叙、箕子乃言曰、我聞在昔、鯀陟洪水、汨陳其五行、帝乃震怒、不畀洪範、九疇彝倫攸斁、鯀則殛死、禹乃嗣興、天乃錫禹洪範、九疇彝倫攸叙、初一日五行、次二曰敬用五事、次三曰農用八政、次四曰協用五紀、次五曰建用皇極、次六曰又用三德、次七曰明用稽疑、次八曰念用庶徵、次九曰嚮用五福、威用六極、

一五行、一曰水、二曰火、三曰木、四曰金、五曰土、水曰潤下、火曰炎上、木曰曲直、金曰從革、土爰稼穡、潤下作醴、炎上作苦、曲直作酸、從革作辛、稼穡作甘

二五事、一曰貌、二曰言、三曰視、四曰聽、五曰思、貌曰恭、言曰從、視曰明、聽曰聰、思曰睿、恭作肅、從作乂、明作晝、聰作謀、睿作聖

三八政、一曰食、二曰貨、三曰祀、四曰司空、五曰司徒、六曰司寇、七曰賓、八曰師

四五紀、一曰歲、二曰月、三曰日、四曰星辰、五曰曆數

五皇極、皇建其有極、斂時五福、用敷錫厥庶民、惟時
厥庶民于汝極、錫汝保極、凡厥庶民、無有淫朋、人無
有比德、惟皇作極、凡厥庶民、有猷、有爲、有守、汝則念
之、不恊于極、不惟于咎、皇則受之、而康而色、曰、予攸
好德、汝則錫之福、時人斯其惟皇之極、無虐、罔、而
畏、高明人之有能、有爲、使、其行而邦其昌、凡厥正
人、既富、方穀、汝弗能使有好于而家、時人斯其辜于
其無好德、汝雖錫之福、其作汝用咎、無偏、無陂、遵王
之義、無有作好、遵王之道、無有作惡、遵王之路、無偏

無黨王道蕩蕩無黨無偏王道平平無反無側王道
正直會其有極歸其有極曰皇極之敷言是彝是訓
于帝其訓凡厥庶民極之敷言是訓是行以迓天子
之光曰天子作民父母以爲天下王

六三德一曰正直二曰剛克三曰柔克平康正直疆
鳴友剛克變友柔克沉潛剛克高明柔克惟辟作福
惟辟作威惟辟作玉食臣無有作福作威作玉食臣之有
作福作威作玉食其害于而家凶于而國人用側頗僻
民用僭忒

七稽疑擇建立卜筮人乃命卜筮曰雨曰霽曰蒙曰
驛曰克曰貞曰悔凡七卜五占用二衍忒立時人作
卜筮三人占則從二人之言汝則有大疑謀及乃心
謀及卿士謀及庶人謀及卜筮汝則從龜從筮從卿
士從庶民從是之謂大同身其康彊子孫其逢吉汝
則從龜從筮從卿士逆庶民逆吉卿士從龜從筮從
汝則逆卿士逆吉汝則從龜從筮逆卿士逆庶民逆
作內吉作外凶龜筮共違于人用靜吉用作凶
八庶徵曰雨曰暘曰燠曰寒曰風曰時五者來備各

以其叙庶草蕃廩一極備凶一極無凶曰休徵曰肅
時雨若曰乂時暘若曰晝時燠若曰謀時寒若曰聖
時風若曰咎徵曰狂恒雨若曰僭恒暘若曰豫恒燠
若曰急恒寒若曰蒙恒風若曰王省惟歲卿士惟月
師尹惟日歲月日時無易百穀用成乂用明俊民用
章家用平康日月歲時既易百穀用不成乂用昏不
明俊民用微家用不寧庶民惟星星有好風星有好
雨日月之行則有冬有夏月之從星則以風雨
九五福一曰壽二曰富三曰康寧四曰攸好德五曰

考終命六極一曰凶短折二曰疾三曰憂四曰貧五曰惡六曰弱

張子曰九疇次序民資以生莫先天材故首五行君天下必先正己故次五事己正然後邦得而治故次八政政不時舉必昏故次五紀五紀明然後時措得中故次建皇極永大中之不可不知權故次三德權必有疑故次稽疑可徵然後疑決故次庶徵禍極徵然後可不勞而治故次九以嚮勸終五爲數中故皇極處之權過中而合義者也故三德

處六、朱子曰洪範皆以天道人事參伍言之、五行最急、故第一、五事又次之、故第二、身既修、可推之于政、故八政次之、政既成、又驗之于天道、故五紀次之、繼之以皇極、居五、益能推五行、正五事、用八政、修五紀、乃可以建極也、六三德、乃是權衡此皇極者也、德既修矣、稽疑庶徵、繼之、著其驗也、又繼之以福極、則善惡之效、至是不可加矣、

衍法

以五色靈龜六寸以上者九以其腹甲圓爲子陽面
鋟自一至九之數以當龜圻陰而空白信手爲豹當
火灼之法視所見之數當龜兆以一見占五行凡九章
二見占五事凡三十三章三見占八政凡八十四章四見占五
紀凡一百一十二章五見占皇極凡一百一十六章六見占三德凡八
十七見占稽疑凡三十八八見占庶徵凡九九見九
隱占福極凡二共五百一十二章適合大衍八卦變
五百一十二卦如朱子啓蒙八畫之上各生一奇一

偶為九畫者之數卦有六十四，八之則五百一十二

初變十六，以內宮之十六，共五百一十二以爻計之總

虛實之數為四千六百零八又合閏歲周天三百八

十四日四千六百零八時之數六十乘六十四，盡

百十二，合四千九十六，亦四千六百零八，張行成曰

周易用六十四卦，八而八之也，經世用五百一十二卦

象，後以八求卦，以六求爻，故其變至于五百一十二

卦，又曰經世用五百一十二卦蓋天地自然之妙原

如此龜以圭代之疇每章九位，當九時，四章當三日。一章起子至申，二

章起酉至巳，三章

起午至寅四月以三十日爲盈四百八十章當三百

章起卯至亥月以三十日爲盈四百八十章當三百
六十日十二月之盈數曆法六盈六虛凡三百五十
四日餘六日七盈五虛凡三百五十五日餘五日三
十二章當二十四日合五餘則二十九日合六餘則
三十日爲閏月之數五百一十二章所當總符三百
八十四爻之易數二分之一自初一章至五紀終章凡
二百五十五章當陽至之分自建一章至庶徵終章
凡二百五十五章當陰至之分福極兩章作餘分遇
閏無餘不遇閏每年約餘四十章每月約餘三章作

閏分

曆法一日百刻九十六刻為正四刻為閏每三

氣閏

冬至起初一章初正子之宮夏至起建一章五

正午之宮金非強合

卦畫陰陽平分是為乾坤成列之大義時畫陽饒陰

之以陽統陰皇極居中又統陰陽以為君宰是為人

道首出之大義而造化貴陽聖人扶陽之至意昭然

在目未嘗不與卦圖卦序相為表裏

貞衍

易曰君子所居而安者易之序也

亦然

所樂而玩

者爻之辭也

衍之辭亦然

是故君子居則觀其象而玩其

辭動則觀其變而玩其占是以自天祐之吉無不利

孔子問漆雕憑曰子事臧文仲武仲及孺子容此三

大夫孰賢曰臧氏家有守龜焉名曰蔡文仲三年而

爲一兆武仲三年而爲二兆孺子容三年而爲三兆

憑從此之見若問三人之賢與不賢所未敢識也孔

子曰君子哉漆雕氏之子其言人之美也隱而顯言

人之過也微而著智而不能及明而不能見孰克如

此車起泰言云符堅建元十二年高陵縣民穿井得

此大龜三尺八寸背文負八卦古字

汙法

三

五行 金
五事 聽
八政
五紀 歲
皇極
三德 剛
稽疑 驛
庶徵 寒
福極 紆

木
視
師
月
庶徵
柔
蒙
燠
弱

火
言
賓
日
稽疑
剛
蒙
暘
紆

水
貌
憂
辰
德
柔
雨
雨
惡

土
思
是
曆
皇
康
克
風
紆

金
聽
壘
辰
紀
柔
驛
寒
紆

木
視
祀
日
八政
剛
蒙
燠
富

火
言
貨
月
五事
柔
蒙
暘
紆

水
貌
食
歲
五行
剛
雨
雨
壽

百姓與能

命龜古有卜筮肇自皇犧通志成務以斷人疑惟此
疇衍原本洛龜今古龜靈神莫尚茲某年月日某爲
某事徬徨兩岐敬敢貞卜惟神明決之

干	庚	午	離	辰	艮	宿	望
乙	寅	艮	離	辰	艮	宿	望
丙	酉	兌	離	辰	艮	宿	望
癸	亥	乾	離	辰	艮	宿	望
戊	辰	巽	離	辰	艮	宿	望
辛	巳	巽	離	辰	艮	宿	望
甲	卯	震	離	辰	艮	宿	望
丁	申	坤	離	辰	艮	宿	望
壬	子	坎	離	辰	艮	宿	望

野方色州方音律氣天

揚南紫周前絲贊暑炎

堯東白吳^吳後^左匏^{大呂}化^{太簇}暘

梁西赤趙右金南^{南呂}燥^{大呂}昊

雍毘白^{蕤賓}儀^{蕤賓}石^{蕤賓}覆^{蕤賓}幽

豫中黃^{蕤賓}中^{蕤賓}宮^{蕤賓}鈞

徐東^{蕤賓}綠^{蕤賓}楚^{蕤賓}前^{蕤賓}木^{蕤賓}化^{蕤賓}陽

青東碧宋左竹^{蕤賓}夾^{蕤賓}動^{蕤賓}蒼

荆鬲黑^{蕤賓}秦^{蕤賓}前^{蕤賓}工^{蕤賓}鬲^{蕤賓}朱

冀北白齊後^{蕤賓}革^{蕤賓}蕤^{蕤賓}寒^{蕤賓}玄

行法 玄大職九人風八服九體族澤鎮

衡	雲	高	穎	藩	景	極	開	民	玄
肅	養	曾	面	鎮	條	疾	臣	疾	大
嶽	驛	祖	穎	吏	開	志	婦	一	職
霍	楊	父	肩	蠶	不	上	商	玄	九
華	國	身	腹	衛	中	百	百	玄	八
僭	昌	子	腰	禾	清	下	數	玄	風
汴	聖	孫	股	男	明	進	茂	玄	服
岱	大	曾	野	甸	涼	平	國	玄	體
恒	昭	玄	走	侯	廣	下	震	玄	族

五

皇極五呈宿度四時歲陽經世應含

終始 一合 四應 膽 章 夏至 太百 四

終始 二合 二應 肉 樂 春 歲 三

終始 三合 二應 脾 未 秋 熒 一

終始 四合 一應 心 昭 冬 辰 六

中 〇 〇 〇 〇 〇 填 十

終始 六合 九應 骨 重 夏 太百 一

終始 七合 八應 腎 闕 春 歲 三

終始 八合 七應 血 強 秋 熒 二

終始 九合 六應 髓 元 冬 辰 一

九命九雨

天 天以 命

地 地以 命

天 天以 命

地 地以 命

天 天以 命


地 地以 命

天 天以 命

地 地以 命

天 天以 命





範衍卷之一

五行疇

凡九章備八十一變太玄皇極之義俱已盡乎九章中

初一



河洛之匯太極之系分二分五惟一之遞彝倫惟繫

壽齡根柢元吉

匯乎罪切音與賄同胡對切音與會同系胡計切遞特計切繫古詣切音

與計同柢都計切花榮之根曰蒂木之根曰柢通作氏李氏曰五行不言州無適而非州也

疇以初一為五行非指一以該五謂九疇第一之

用莫先于五行在天則五象流行在地則五形流

行往來行于天地之間而不窮也是疇一首見以


卦位言。象河洛交滙之源。以龜圻言。其兆水爲天
一所生之始。以一言。乃數之全體。又卽太極爲始
之始。夫太極分而爲陰陽。陰陽變合而生水火木
金土。爲五行。分二分五。皆原于一。圖以一方布。書
以一圓布。惟一之遷也。馬圖龜書。皆出于水。水五
行之始。水治則治。水亂則亂。數叙率是焉。由彝倫
維繫也。大地間萬物。皆得水生。水包五行。无水
是先无根柢。无由以生。肇壽齡之根柢也。占首得
之。是爲元吉。總虛實以考古。占每章九爻。五行九章。

已如太玄皇極之盡于八十一變。或以隱見互開。或以虛實互考。俱无不通。周禮凡卜辨龜之上下。左右陰陽。以授命龜者。而詔相之上仰者五以上之象。下俯者五以下之象。左左倪三八之象。右右倪四九之象。陰後兼一六之象。又二四六八之象。陽前兼二七之象。又一三五七九之象。全氏曰卜師掌開龜之四兆。亥月開壬子月開癸丑月朔後開壬望後開癸是爲方兆。爲一六與五之象。寅月開甲卯月開乙辰月朔後開甲望後開乙是爲功

兆爲三八與五之象、巳月開丙午月開丁未月朔
後開丙望後開丁是爲義兆、爲二七與五之象、申
月開庚酉月開辛戌月朔後開庚望後開辛是爲
弓兆、爲四九與五之象、四時並同神而明之、皆存
乎人、或問圖書一常居下其旨可得詳歟、萬以忠
曰、天地之化、直闢在南、專翕在北、群彙之生、敷華
在上、根荄在下、人心之理、應感在前、歸藏在后、故
天之用地也必下、水之胎人也必深、神之媾精也
必伏、幾之先物也必沉、生生之至理也、所以圖書

五十五數順逆皆生于一、而一常居所六十四卦三百八十四爻皆根于乾初初乃勿用而潛乾之初圖之一、蓋造化之玄樞羣生之根柢人心之寂體也、使浮而上焉則勿用者用、勿用者用則天失其根、物搖其精、散爲彊陽、盪爲游魂、數亂其位、无以神變化、而行鬼神、卦失其序、无以定吉凶、而成大業、氣之和沴、民之死生、事之理亂、物之妖祥、皆于是乎在、是以聖人重焉、洗心藏密、藏于此也、極深研幾、研于此也、艮止其所、止于此也、平旦之息

息于此也、此乾所以貴无首、而坤後得也、信乎易道之要宗、千聖之歸宿矣、



極原
玄中
猷一
水

潛二火
周
守
巽三木
信
閑四金
直
少五土
蒙
戾六水
閑
七火

一八




須干八木

一九



屬兌九金

章初二




一氣降升以南辰偵秉坤之精貞離之明辟災以騁

史記龜八、一北斗龜、二南辰龜、三五星龜、四八風龜、五二十八宿龜、六日月龜、七九州龜、八王龜、偵、刃、成、切、讀、音、精、駁、騁、水、鳥、能、辟、火、災、通、作、交、精、白、虎、通、火、化、也、陽、氣、用、事、萬、物、變、化、亦、言、災、物、入、中、皆、毀、壞、也、皇、極、內、篇、五、行、在、天、則、為、五、氣、雨、暘、燠、寒、風、也、在、地、則、為、五、質、水、火、木、金、土、也、天、之、五、氣、雨、暘、燠、寒、風、也、地、之、五、質、水、火、氣、也、天、交、于、地、而、雨、暘、為、質、地、交、于、天、而、水、火、為、氣、二、變、而、三、不、變、者、二、得、陰、陽、之、正、而、三、得、陰、陽、之、雜、也、

數始于一、一爲二、二分于一、一氣分而爲陰陽
一氣升降而爲水火也、一爲陽、陽不自降、交于陰
之升而後降、降卽水成、故一居于坤中、爲坎水、爲
陽精、二爲陰、陰不自升、交于陽之降而後升、升卽
火成、故二居于乾中、爲離火、爲陰精、坎內陽外陰
以陽爲主、離內陰外陽、以陰爲主、坎本坤陰、得乾
陽以爲精、離本乾陽、得坤陰以爲精、陰陽之精、互
藏其宅也、是疇二見一隱、卽火升水降、龜兆曰霽
以南辰偵之象、但有升无降、火必亢旱燥烈而爲

災駭鯖水鳥能辟火災升卽火而隆卽水水火兩
 物對待陰陽一氣流行原來會合冲和是爲辟災
 以鵲之象占



極成
 玄帙一不

冲

差二火

振

童三木

祈

增四金

常

銳五土

柔

達六水

三七



易交七火

二八



親八木

二九



華九金

初三



帝出乎震萬物出乎震東龜之聲雉之信亨

觀切

通作震龜凡裂皆為震周禮龜人掌六龜之屬云龜曰靈地龜曰繹東龜曰果而龜曰靈南龜曰璫北龜


曰者各以其方之色與其體辨之雉古候切洪範五行傳雉最聰察先雷聞聲兩雅雉取介之禽應義氣

十一月雷在地中雉先知而鳴說文雉鳴也雷始動雉鳴而雉其頸雉以頸扣勾也非特鳴而已白

虎通木觸也陽氣動躍觸地而出淮南子以三參物物以三成

五行一二之後、有三、天地間有一、便有二、纔有一、二、便有三、二者一之交、一與二交而三生也、一降二升、合而成三、位之于東、震動之象、一植于二下、蟠爲根、三出于二上、挺爲榦、散爲枝、木生出地、于龜爲東、于兆爲蒙之象、帝三才主宰、分則三、合則一、單以一言、孤陽不生、單以二言、孤陰不成、至三而一二會合、生成乃見、故曰帝出乎震、記曰人者天地之心、深于帝出之旨、物物俱化生于水火既交、一二成三之後、故又曰萬物出乎震、月令正月

雉震响、候雷也、雷在地中、雉性精剛、故獨知之、人
 有雉、雉先知之信、于震亨占義、思過半矣、朱子詩、
 忽然夜半一聲雷、萬戶千門次第開、若識无中含
 有象、許君親見、伏羲來、夜半之雷、一以含三、三從
 一出、在易則起于坎淵之底、動于坎險之中、是為
 乾坤列後、首出之屯雷、



極見
 玄從一水

從進二火
 釋三木

三四



交格四金

三五



育夷五土

三六



壯樂六水

三七



興爭七火

三八



欣務八木

三九



舒事九金

章初四




氣叶東南北以釋行庚庚大橫匪其為兵吉

庚古行切橫戶

自切白虎通金禁也秋氣剛嚴能禁制也或曰乾坤艮巽皆土位也

四。于。卦。為。巽。于。五。行。為。金。于。龜。兆。為。繹。由。一。至。四。
 一。三。為。四。二。二。亦。四。四。象。既。備。四。時。以。行。春。生。秋。
 成。象。萬。物。庚。庚。而。有。實。也。大。橫。東。西。南。北。縱。橫。无。
 不。相。當。也。金。于。四。時。為。收。氣。為。肅。殺。匪。其。為。兵。說。
 言。乎。兌。惟。以。兆。四。時。之。和。豈。惟。一。人。不。為。兵。能。使。
 天。下。皆。不。為。兵。如。邵。子。所。謂。人。心。不。生。事。天。下。自。
 无。兵。故。占。吉。也。



極
 比
 更
 一
 水

開
 斷
 二
 火

四

四

四

四

四

四

(四)

1

本坡、正格切

製三木

壯西金

衆五土

密六水

親七火

八木

龍九金

塘、正路

莫經切、白虎通上、吐也能吐生萬物也、皇極內篇中
者、天下之大本、自一而九、自九而一、雖歷萬變而
五常中焉、一二三門、趨
五也、九八七六、歸五也

天地之數不過于五、居于圖書之中、爲冲氣爲土、
行爲信德、四行皆得五而成、一得五成六爲水、故
曰天一生水、地六成之、二得五成七爲火、故曰地
二生火、天七成之、三得五成八爲木、故曰天三生
木、地八成之、四得五成九爲金、故曰地四生金、天
九成之、水火木金皆土之所生、皆五之所成、其實
一時俱生俱成、非先生後成、亦非先生水、次生火

生木生金也。五數之中。黃中之色。人受天地之中。以生。天地之性。人爲貴。人道中爲貴。周禮。九國大。貞。卜立君。卜大卦。則祗高作。龜大祭祀。則祗高命。龜高卽龜中心之直文。所謂太極所以分左右陰陽。所謂中央土。卽洛書中五之謂在人。則道心全體之中也。堯授舜曰。允執厥中。舜授禹曰。人心惟危。道心惟微。惟精惟一。允執厥中。人有是中人。人不失其心。人皆可以爲堯舜。爲此。或曰。何以有人心道心之別。人固有二心乎。曰。圖書全體心之象。

也。圖書之中，中之象也。中，道心也。人人之所同具，達之天下萬世，而爲天下古今人之所共由，不但以人言心，而合天下古今人之所共由言心。古語同由謂之道，同靈謂之心，是以謂之道心也。若但就各人言心，天下古今一有通達不去，則止是一人私已之心，而非天下古今公共之心，但可名爲人心，不得名爲道心矣。道心不局于形氣，人不易全，故曰微。人心局于形氣，旣據蕞爾之軀爲身，又據徑寸之中爲心，爾我藩籬，不勝睽異，而戕賊戈

予陷阱坑塹災危亡滅之所自起故曰危出道卽
人出人斯道精之一之无入非道斯謂無懷立天
地之至中成四時之大信以幹萬事以貞萬化原
始要終萬不爽一斯謂克躬其理難窺其數可陳
義圖肇卦禹書成疇卦以方列疇以圓行皆數也
皆從中起也義禹不作圖書榛塞五行汨陳至于
黃中潰亂民信不立而以言學亡其中亡其實矣
斯後世術家之數而已矣朱子曰夫心者人之所
以主乎身者也一而不二者也爲主而不爲客者

也、命物而不命于物者也、夫謂人心之危者、人欲之萌也、道心之微者、天理之與也、心則一也、以正不正而異其名耳、惟精惟一、則居其正而審其差者也、純其異而反其同者也、能如是、則信執其中、而无過不及之偏矣、非以道爲一心、人爲一心、而又有一心以精一之也、其答陳同甫區區鄙見、嘗竊以爲亘古亘今、只是一體、順之者成、逆之者敗、固非古之聖賢、所能獨然、而後世之所謂英雄豪傑者、亦未有能舍此理、而得有所建立、成就者也、

但古之聖賢從本根上便有惟精惟一功夫所以能執其中徹頭徹尾无不盡善後來所謂英雄則未嘗有此功夫但在利欲場中頭出頭沒其資美者乃能有所暗合而隨其分數之多少以有所立然其或中或否不能盡善則一而已來論所謂三代做得盡漢唐做不盡者正謂此也然但論其盡與不盡而不論其所以盡與不盡卻將聖人事業去就利欲場中比金較量見有彷彿相似便謂聖人樣子不過如此則所謂毫釐之差千里之謬者

其在此矣

皇極內篇耳目口鼻手足之用皆五也或曰支指五矣耳目口鼻何有焉曰耳

聽五聲目辨五色口嘗五味鼻別五臭不具于此何有于彼手足以形用耳目口鼻以神用形用者

易知而神用者難識也

五



極
玄
恍
恍
一
水

五



火
盛
二
火

五



居
三
木

五



法
四
金

五



應
五
土

五



伏
六
水

五七
○○○○
五

遇過
七火

五八
○○○○
五

疑竈
八木

五九
○○○○
五

寡大
九金

初六
○○○○
一一

雲行雨施、品物流形、雲行雨施、天下平、人躋紫冥、形

經切、冥、莫經切、玄冥、本神、青冥、紫冥、天也、爾雅、水、準

也、準、平物也、朱子曰、天數中于五、地數中于六、十干


實五行也、十二支實六氣也、六于五行屬水、于八卦屬乾、一在下為原、為水行

地中之象、六在上為委、為雨行、天上之象、一六既

備六者地氣升爲雲、一者天氣降爲雨、凡物各有萬卽同爲一物、又各有其品、凡物之生、得雲雨行施方始成就得一箇形質、亦如水之流出無窮、故曰流形、人知天地合之爲雲雨、不知三才合之爲雲雨、故聖人作易、旣明統天之雲雨、而曰品物流形、又明御天之雲雨、而曰天下平、流形之雲雨、三才合一、天工聖澤、交流金澍、大一統之雲雨也、平天下之雲雨、天氣或不降、地氣或不升、聖人爲之參贊于其中、雲不時行、聖人御轉天來而爲之行。

雨不時施、聖人御轉天來而爲之施、其于天地所
生之民、物漸之漬之、浸之灌之、溢爲湛恩、浹爲濺
澤、大明終始、人道首出之雲雨也、有家者得之以
雲雨其家、而家齊、有國者得之以雲雨其國、而國
治、有天下者、得之以雲雨天下、而天下平、大小貴
賤殊等、其分量一也、此人道所以爲大、而曰參三
才、靈萬物、與天爲配、直躋至天也、不然、物惟待命
于統天之雲雨、而天下之爲稿苗者、不可勝言已、
自古平寧日少、亂亡日多、皆以人不首出之故、天

曷故哉



極
地
論
一

庚
二
火

文
二
火

虛
三
木

禮
三
木

昧
四
金

迷
四
金

損
五
土

唐
五
土

用
六
水

常
六
水

卻
七
火

度
七
火

翁
八
木

永
八
木

六九六


達
昆九金



火麗于空天下大豐君子有融燁天之中大吉

火无形麗物以成形火元體因物以爲體麗物之
火光發外炎有形體之火地火也麗空之火四時
默運无形體之火天火也二生火爲地陰以質具
七成火爲天陽以氣行火麗于空之象七成數又
天位火氣行天而物物爲之長養物物皆有之以
爲利天下大豐之象惟君子善體火行不失其明

其豐更大又君子有融大明中天之象小人固不
 足以考此占也晉孫登語嵇康火生而有光而不
 用其光人生而有才而不用其才用光在乎得薪
 所以保其耀用才在乎識真所以全其年方思善
 夜行燭床燭之明也薪之屬也至其所以明者火
 之傳也薪有時而窮燭有時而跋而火之真體則
 无時而不傳也君子之有融者此



極
 思
 減
 一
 水

陰
 一
 火

吉亨

集義人切
今作集

三生木爲本、八成木爲末、鄧林木數也、有虞得所
養也、惟斧斤之入、不以其時、遂无以成用于天下、
以時斧斤、材木何可勝用、干雲極其高、拂日極其
大、八寅之及、極其蔭之遠、子華子曰、丘陵成而穴
者安矣、大水深淵成而魚鱉安矣、松栢茂而塗之
人已蔭矣、古以五靈配五方、鳳火、麟土、木官修而
鳳至、火官修而麟至、八木于火爲生、于土爲克、是
爲麟游鳳至、而占吉亨、

八	八	八	八	八	八	八	八	八
九	八	七	六	五	四	三	二	一
八	○	○	○	○	○	○	○	○
○	八	○	○	○	○	○	○	○
○	○	八	○	○	○	○	○	○
○	○	○	八	○	○	○	○	○
○	○	○	○	八	○	○	○	○
○	○	○	○	○	八	○	○	○
○	○	○	○	○	○	八	○	○
○	○	○	○	○	○	○	八	○
○	○	○	○	○	○	○	○	八

玄版
 福
 實
 沈
 一
 水

實
 內
 二
 火
 危
 去
 三
 不
 堅
 悔
 四
 金
 帝
 壘
 五
 土
 報
 窮
 六
 木
 止
 割
 七
 火
 戎
 止
 八
 木
 結
 堅
 九
 金


章初九



聚于獨无身之頁散于衆庶物首出天下大說頁紅
无身之頭見抱朴子又魏志公孫淵時襄平北市生
肉長圍各數尺有頭目口豕無手足而動搖占曰有
形不成無體
無聲其國滅

四生金爲升九成金爲財賄爲貨貝財賄貨貝天
下之公利以散于天下爲公爲義聚于一人爲私
爲利數原于一究于九爲散約而入由八至一爲
聚諸侯曰何以利吾國聚于國矣大夫曰何以利
吾家聚于家矣士庶人曰何以利吾身聚于身矣

一人專百人散、一家實四野虛、一肢肥全體瘠、此
 在士庶人、猶不啻象无身之頭、而況其有天下國
 家者、有天下者、以天下為一身、有國家者、以國家
 為一身、故自古天子惟藏之于四海之內、諸侯惟
 藏之于境內、宗廟社稷、萬年長守、皆此九下皆虛
 惟九要終、是為散財得民、庶物首出、天下大說之
 象



極養
 玄臥
 成一水

遇
 闕二火

範衍卷一終

九	九	九	九	九	九	九
九	八	七	六	五	四	三
九	○	○	○	○	○	○
○	九	○	○	○	○	○
○	○	九	○	○	○	○
○	○	○	九	○	○	○
○	○	○	○	九	○	○
○	○	○	○	○	九	○
○	○	○	○	○	○	九
○	○	○	○	○	○	○
○	○	○	○	○	○	○

勝三木 四金 劇四金 壬五土 固六木 將六木 移七火 離七火 墮八木 勤八木 終九金 養九金

範衍卷之二

五事疇

凡三十
六章

敬一章



匪輜匪輶、匪輕匪軒、不出戶庭、无咎、不出門庭、凶、

輜輶

而切、輶蒲明切、重曰輜、輕曰輶、輶支義切、車前重、輶許斤切、音與欣同、車後輶、馬援傳、居前不能令人輕、居後不能

令人輕

疇以次二為五事、二為五事全體之用、但以初與

二言事、初水二火、水為精為濕、火為氣為燥、人物

之生、精與氣耳、精濕而氣燥、精實而氣虛、精沉而

氣浮故精爲貌而氣爲言初坎輪爲車二列初前
如戶有庭威儀容貌任重之車輿口舌言語閑身
之戶庭也初奇二偶初居二內以奇統偶首以一
敬提躬有威可畏有儀可像容止可觀進退可度
非人之所能重非人之所能輕非人之所可前非
人之所可後與二以近相宗惟威儀是力匪口舌
是務極其慎密象戶庭亦不輕出輕浮易誕之過
于是乎善補其或火以水克門庭當出而不出則
又爲凶全氏曰卜主五行相生凡克伐者爲雜亂

得其配則皆吉也。

— — — — —

天之明，天之聽，木之杪，山之巖，螾蟷，蟲孽，釐于躬，大

吉變祖紅切、喙于權切、喙沮紅切、五行傳、視之不明、時則有羸蟲之孽、若蜚、喙之類、皆語、天明无目、天聰無耳、淮南子、人主以天下之目、視以天下之耳、聽、邵子、天下目爲目、謂之明、四目、天下耳爲耳、謂之達、四聽、慈湖人以目逐物爲見、以耳逐物爲聞、謂之分明、不知乃大不分明、韓非子、寄于天聰、以聽、乘于天明、以視、釋名、視是也、察是非也、聽靜也、靜然後所聞審也、五事皆以五忠爲中主、然以一二合而原始則原

始無失、八九合而要終、則要終有得、八九又乙庚相合之爻、以一人爲人、匪人之謂也、而通天下之人爲其人、方始是人、以一人之目爲目、以一人之耳爲耳、匪聰明之謂也、而用天下之目爲其目、不自作其明、是謂天明、用天下之耳爲其耳、不自作其聰、是謂天聰、八九要終、天聰天明之象、陰不窮八、陽不窮九、八九陰陽之窮、九加八上、又如緣木之杪、陟山之巖、古人處已愈高、則畏下滋甚、雖天明爲明、天聰爲聰、而唯恐下顛、唯恐予勝、不勝不

敬三


☐ ☐ ☐ ☐ ☐ ☒ ☒ ☐

囊奴當切 佩帶

L

二言三視以近相生无主有主言之從又非必有
言之謂也當言而言不當言而不言皆又也二居
三下括囊之象三二相近常日在之視不下帶之
象二无舌而謹言三旋目以及視二謹而三合爲
旋三旋而二金爲謹從又作哲之占莫著明于此
故吉

敬四
章



密穢至臨山高澤深无咎長喙豎睞匪盲匪痛貞凶

穢穢同古以穢石刺病故有所諷刺而收其失者謂
之穢故曰美哉不知惡石擊許穢以默也睞式佳切

音與審同。牛有豎瞳，无橫瞳。見一物，輒長大。造天喉，童子得制之。盲，眉廣切。瘡於金切。

七言八視以近相得縱橫之而爲十五无主有主
七以陽有密于八不惜苦只八以陰有至于七惟
人是視是從如是則人己交修彼此相成八于卦
爲艮若增其高七于卦爲兌若益其深皆善補過
不然七下八上以柔乘剛七獸其喙而加長八牛
其瞳而上豎匪盲而實盲匪瘡而實瘡故爲貞凶
之象占

敬五



目前耳卻、或尙、或鑰、守官有憲、滋其杓鑿、貞吝、約卻、去
本作却尙、古營切、鑿以灼切、憲苦各切、本作恪、納而
悅切、刻木端所以入鑿、語方杓圓鑿、雖公輸不能強
之使入、

三視四聽、耳目相須爲用者也、三木四金、近不相
得、无五爲主、三震四巽、三陽長于下、四陰消于上、
消長異趣、如目視而耳不爲聽、三或爲之前、四且
爲之卻、三或爲之偏、四又爲之鑰也、如是、即使各
敬其官、視固稱明、而聰或不足、耳固稱聰、而明或
不足、滋若杓鑿之不相入、以耳目言、則偏廢不謂

第六草



韋、干切。

六七无五爲主、水火未濟、而以剛柔合德、未濟可

範行卷二

其貌而失之于子羽是為貌恭言從胥无所失而
善補過之吉占

敬七
章
○○○○○
一一○○○○

尊選紛拏音節儼如先豫踟躇熊羆前居无咎本切

選徒合切拏女居切儼古了切玉石之白又音節明
先以則切通作適亦音總豫羊如切如麋多疑居山
中聞聲每豫登木矣又夕下須臾又便上脚陳知
躡自魚坂熊回少以行山中數千里悉有跽伏之所
虎出百里外則達所出道路惟熊出而不迷故開道
者首熊以出羆似熊而更猛或曰熊牡羆牝蓋鳥之
類雄鷲于羆獸之類牝猛
于牡故羆无猛于熊云

四聽五思五主四從以四言耳有紛選而上承五

剛中自矜如聽之審也以五言心有猶豫而五字
四承態態居前一无所迷疑无不決思无不通也
如是而不聰不睿之過皆著補故无咎

敬八
章
○○○○一○一○○○○

小心恭人踧天踏地當高厚中黃芝發德白鵲銜寶

金稱上瑞踧天踏地當高厚中黃芝發德白鵲銜寶

五十六水不稱相得五戊六癸又為相合五惴惴
小心以六在前謂天蓋高不敢不踧六溫溫其恭
以乘五上謂地蓋厚不敢不踏天數中于五地數

中下六地從天而用五天從地而用六氣以六變
候以五易天以六節地以五制司天氣者六期爲
備終地紀者五歲爲周五六者天地之中數五主
六從六合五秀是爲金稱上瑞之象占

敬九



蘭蕙惟圃鵲鵲惟伍足必步且日常在武貞吉蘭蕙俱香

草揚子蹂蕙圃踐蘭度鵲五歷以綬草一曰綬鳥詩
防有鵲巢即有吉鵲鵲善相天而吐綬鵲善相地而
累巢單襄公君子目以正體足以從之今晉侯視遠
而足高目不在體而足不步且目體不相從何以能
久朱子曰知行常相須如目無足不行足無目不見
論先後知爲先論輕重行爲重又曰如人行路不見

黑祥震澤長語成化中京師相傳有物如狸或如犬
倏忽如風或傷人面嚙手足一夜數十發或東或西
時无定處一日上御朝忽驚擾兩班喧亂名曰黑眚
時內臣汪直等周事立西廡廷臣多被戮辱內使威
權赫奕倏忽南北往來
不測人以爲黑眚之類

七九火金相克中无五思爲主七好言自口莠言
自口總不由衷而在成殺機如單襄公所稱三郤
之言郤伯犯郤叔誅郤季伐犯凌人訐誣人伐揜
人龕爲戮也九以七克益亢干上雖耽然下垂亦
如曼无輪郭之耳耽爲聃也如是言何以稱又聽
何以稱聰西南互遷圖書三同二異一三五之位

不易七九之位易陽主進進極而變東北陽始生
之方則不動西南陽極盛之方則互遷七九參互
以取中也爲魚匪以耳而將无不聽爲蟬匪尚口
而將无不鳴遂可以補不又不聰之過而无黑白
之眚咎也

敬十
一章

于晨有晨于昏有闇鬼蜮屬垣君子力反蚵窮以奔
闇呼昆切閉門隸蜮雨逼切一名水弩一名短狐一
名射工孫思邈云其蟲无目而利耳能聽聞人聲便
以口中毒射人說文似蟹三足又云此蟲所在其雪
不積屬之欲切垣思猿切反孚表切淮南子昌羊去

益耳而人弗集爲其來鈴窮也昌羊今之昔蒲鈴窮入耳之蟲則所去之害小而所來之患大也

門者晨昏啟閉晨司晨啟昏司昏閉二居四下晨昏啟閉惟謹可謂无易由言矣而有屬垣之耳在四以雖同功陰火陰金不稱相得四不克降而受二多至察而伺二也任垣有屬晨昏惟謹稱從又矣屬垣之耳其可以語聰乎諺曰心不正伏聖聽防其屬于人謹也屬乎人之垣以微爲智以察爲明以陰中人爲鬼之怪爲蜮之妖人道何有君子力反圖書二四隨七九互遷二方含坤之章四亦

以巽而聰已所不欲勿施于人寧人屬我毋我屬人若然四雖不求聰而蝕聰之害既遠將作謀之聰无愧于二之從又之言故有鈴窮遠奔之象占

散十
二章



有狐在澳有蜂在檄凶大成畜不雌伏吉

澳於六切
檄桑谷切

雌此移切
今作雌

六八重陰更出五外以六或无直躬而有媚行伏于隈崖以八或無正視而有毒目叢于林檄凶如之何大成畜圖書六八不易稱得位八成艮六成

乾以八畜六以六生八既能屈乾之健受艮之止
又且運乾之健通艮之止是為能雄飛而不徒雌
伏之象占

敬十
三章



前奔萬馬後激追電維麋與萬參伍无眩盈闕貞禪

百事可善

電堂諫切追電素良馬名麋忙皮切虞之為言迷也萬扶沸切音與費同亦作佛獲

人則笑唇蔽其目因為人所擒禪時戰切善時戰切

三五同功以三克五五維思能驅萬馬前奔也三
正明首出追電後激也參之以三伍之以五三目

无蔽五思无迷以視必審以思必精本土相克而有得禮運和而後月生三五而盈三五而闕古語前三後五百事可舉是爲盈闕貞禪百事可善之吉占

敬十
四章



喉舌有懷心腹則披嘔喻受之危苦貢之朝陽高岡

千載一時

披、攀、羈、以、通、作、披、嘔、衣、遇、以、和、悅、貌

五七相生合德之爻五以喉舌親七而嘔喻受之

七以腹心親五而危苦貢之五惟七言是思而他

無思七惟五思是言而他無言言皆五之所思思
皆七之所言五惟高岡之生七惟朝陽之鳴是為
明良會合千載一時世不常遇之象占

敬十
五章



玉鉉霜繭利貞

鉉胡猷切繭右典切拾遺記買嶠山有冰蠶長七寸黑色有鱗角霜雪覆

之始成繭其色五采為文錦入水不濡投火不燎
堯時海人獻此錦以為黼黻後世乃染五色絲製錦
以儀之

四屬聽與六相重幾于太柔則廢以金水相涵如
鼎耳加之玉鉉无不舉之患矣六屬貌與四相重

疑為寒沍所侵以乾巽得合如水漸益以霜覆且
成五采之文矣四六重陰元五為主以其皆為五
中近爻上下相守貞然後固而匪貞不固是以利
貞

敬十
六章



雨足春原寒行冬令莫觀靡言五正胥命貞吉政切

正之盛切五正句若不正則廢大
正尊收金正玄冥本正其土土正

一四相生合而為五无主有主一居四内不失其

恭恭作肅肅時雨若時雨而雨雨足春原也四居

外不失其聰聰作謀謀時寒若時寒而寒寒行
冬令也不待二言莫為三觀合通五思如五正各
得其職胥相為命之象故占貞吉

敬十
七章



施齊薙蔓苓若罷采二用成爻全疇離祉貞吉

施商
支切

資自資以音齊薙蔓也計以音與與音同蔓无貶以音
與萬同苓即丁以采苓刺聽說之詩一章采苓二章
若

九六相生互為十五无主有主六貌為恭已无草
雜之為亂九聽為聰又非讒譖之所入九乾用六

此九變之陰而成八、六變之陽而成七、九且以
聰而兼明、六且以肅而兼入、有全時俱離福祉之
象、故占貞吉、

敬十
入章
○○○○○
一
○○○○○
一一
○○

匪瓦伊玉、當不可去、匪薺伊芬、盡請借箸、无悔、
當丁
主也、又底也、下底無當、无底也、夫、丘陷切著、遲、隔切、
董、于、薺、以、冬、美、芬、以、夏、成、薺、成、告、之、甘、芬、成、告、之、去、
二、五、相、生、二、有、言、根、于、五、中、而、出、是、謂、有、當、若、玉、
卮、而、无、當、固、不、如、瓦、器、之、无、漏、也、五、主、思、勿、以、二、
而、或、忽、是、謂、能、籌、矧、甘、言、反、為、敗、苦、言、則、惟、藥、也、

二以五思爲主、五備二著而籌言其所思、思其所言、言卽其思、思卽其言、將无所失而致悔不待亡也。

敬十
九章

○○○
一一○○○
一○○○○

近不可遠、不可明、不可闇、不可中有署、甘露之醒神

範之除吉

署、常憲、五部署也、官舍曰署、除遲偕坂

五、八、木、土、相克之爻在五、近不可人、无遠慮、必有

近憂也、遠不可忽、近闇、遠徒勞、无功也、在八、明不

可、至濟无魚、至察无徒也、闇不可有、讒不見、有賊

不知也、中有署五思、爲八視之主、八木爲五土之
克也、以此明思、旣如甘露之醒心、昏以此思明、又
如神筮之除眼膜、皆可、知睿可知、故占吉、

敬二
十草

○○○○○
一一○○○
一○○○○

平林瞿瞿、坂田无驚、四起四則、龍無蛇、互悔亡、瞿、九

驚、視貌、驚、亡、遇切、互、胡誤切、論語撰、堯步舜繫、禹馳
湯、德有優劣、故行時、法也、言、並容、容有四起、朝
廷之容、師師然、翼翼然、整以敬、祭祀之容、遂遂然、弱
帝然、敬以整、軍旅之容、肅然、肅然、固以猛、喪紀之容、
惻然、惻然、若不還、視有四則、朝廷之視、端若平衡、祭
祀之視、視如有將、軍旅之視、固植虎張、喪紀之視、不
若垂綬、蛇、來龍、見左

傳襄公二十八年

三六相生之爻相生則不患無主三陽位平林也
安常處順之時也而瞿瞿然如鷹隼之驚視六陰
位坂田也崎嶇嶢嶢之處也而有直騁无亂驚如
是而容有四起視有四則三剛六柔三歲星爲龍
六玄武之宿爲蛇三六相生六不汙三悔何由致
故亡

敬二十
一章



逆于无劍違予惟既邇英玲瓏天章藻揆吉无不利
劍居欠切既波驗切玲瓏玉聲一曰
風聲揆舒瞻切古詩摘藻揆天庭

四、七、火、金、相、克、然、七、丙、四、辛、謂、之、丙、辛、得、合、合、則、
自、有、虛、中、之、中、以、爲、之、主、恒、言、逆、耳、責、難、相、知、按、
劍、予、無、樂、乎、爲、君、唯、其、言、而、其、違、今、四、爲、耳、逆、之、
而、無、劍、也、非、聰、不、能、矣、七、有、言、不、以、承、順、爲、樂、而、
以、忤、拂、爲、砒、也、非、又、不、能、矣、邇、英、玲、瓏、聰、謀、之、占、
天、章、藻、揆、從、又、之、占、

第二章



濱、沅、有、籬、中、原、有、葵、蚘、蠖、之、身、蒼、黃、互、裊、匪、其、爲、蛟、

吉

籬、呂、支、切、葵、渠、惟、以、蚘、昌、石、切、蠖、皇、郭、切、
屈、仲、蟲、裊、是、支、切、音、與、匙、同、蛟、渠、宜、切、

初五不稱相得而五宅中初原始初爲濱沅威儀
在焉不啻離之爲香也昭恭肅矣五爲中原嚴思
在焉不啻葵之能揆也稱睿思矣五黃而初蒼亢
倉子曰尺蠖千葉食黃則身黃食蒼則身蒼初恭
自五睿流出食黃而黃也五睿以初恭要入食蒼
而倉也提初而爲蒼提立而爲黃初五互提互爲
蒼黃非其蛟爲蒼黃皆恭睿君子之能事故占吉
在小人固不足以與此

鼎、匪、有、孚、金、玉、鉉、于、一、犢、圖、丘、八、珍、合、衢、人、可、以、𡗗、

大、吉、

于、羽、俱、切、簡、其、俱、以、

五、土、屬、思、鼎、匪、有、孚、熟、思、而、微、无、不、通、也、九、金、屬、

聽、金、玉、具、鉉、聽、審、而、聽、无、一、壅、也、由、是、以、享、上、帝、

肆、將、一、犢、于、罔、丘、之、上、以、養、聖、賢、陳、列、八、珍、于、合、

鬯、之、宮、誠、九、五、尊、爻、之、能、事、推、之、天、下、人、可、與、能、

睿、聖、聰、謀、之、用、曾、无、有、大、于、是、疇、以、九、叙、九、其、五、

五、其、九、備、四、十、有、五、之、全、數、故、占、大、吉、

敬、二、十、



四、章、

二、

臣、

呐不出口吃吃期期弱不勝衣委蛇委蛇鳬鵒自別

訑訑何其吝吃吃許乞以則米子曰極也古人用期字

極知其不可口吃故中一字也委蛇委曲貌蛇紆行

故取以為委曲之喻鳬鵒防无切鳬鵒白鳥鵒牆之切

鷦鷯似鵒而黑訑延知切其居之切又鷽不浴浴白鳥不黑而黑

五思无主二陰火六陰水不相為濟三遇六在上

呐不出口吃吃而又期期其无疾言可知也六遇

二在下弱不勝衣委蛇而又委蛇其无厲色又可

知也苟不當其可在二為取容在六无直道苟不

相為下二有憎于六六有憎于二二黑六白如鳬

第五十五章

100

君子惟祺。

鞋池口切、寬傍橫曰鞋、橫顏師古曰、以黃
綿爲圓、則粗壯之下寬、垂耳兩傍、示不外

聽屏早正切音與勸同墮許規切祺渠之切國策君病在耳之常謂之正不可除也

五土中虛四八相克而位以遠列時以重陰四固

塞之以黠、八尤蔽之以冤、旒也、四以不淫于聰、爲聰、八以不蔽其明、爲明、苛察不事、內緘斯固也。

墮明黜聰、太不事事、外屏則墮也、闕逢、甲上章、庚
有三以合乎八、有九以合乎四、是爲君子維祺、陰
陽合德、聰明作則之至占、廣成子、无視无聽、抱神
以靜、日无所見、耳无所聞、心无所知、汝神將守形
帝王世紀、稱帝堯其明如晝、其晦如陰、旒以翳明、
鑒以隱聰、文中子、董常問古者明而不視、聰而不
聞、荀子、目不兩視而明、耳不兩聽而聰、吳育論詔
獄疏、先王凝旒、黜纓、不欲聞見人之過失也、姜公
望曰、人君明目達聰、所以通下情、前後有旒、左右

有纒所以戒太察太察則聞人之過下情不通則
不見已過聞人之過則姦生而刑滋不見已過則
心塞而禍萌此周之厲王以咳口而兆亡漢之顯
宗以耳目隱發爲明而速亂也凡役聰明之君子
皆可以鑒矣

☐ ☐ ☒ ☐ ☐ ☒ ☐ ☐

中堂有鳴、相視則孕、相鳴則孕、錦囊珠綬、累有贈、

鷄雄鳴曰雉鳴上風雌鳴下風亦

孕孕以證以贍作互切列子曰璽爰之獸
自孕而生曰鰓河澤之鳥相視而生曰鵲

鵲之爲鳥、雄雌相視則孕、雄鳴上風、雌鳴下風、亦孕、向陽爲堂、少陽位三數七、三七相合、五思儼在中堂也、鵲相視則孕、是惟无視、視在則皆生機也、鵲相鳴則孕、是惟无言、言出則皆生機也、鶴以聲交而孕、鵲以睛交而孕、亦然、如是而有視、如是而有言、錦囊其囊、珠綬其綬、重疊相因而至、善无以尚之、吉无以尚之、故元吉。

卷二十一
七章



繡黻在躬、兩已相背、暴慢以久、時雨霍霍、吉、水水之

濟貞吝

向善亦取君臣有離合之義去就之理考工

對切、濟音見、初一章、漢劉梁曰、以可濟、孟謂之、積、好惡不殊、謂之同、得由和興、失由同起、春秋傳、和如、羹、馬酸苦以濟其味、君子食之以平其心、同如、水焉、若以水濟水、誰能食之、

一與六皆水位皆屬貌卦用偶陰陽對待疇用奇
五行迭運迭運者不可窮亦以對待者不能孤如
一六二七三八四九皆是呂氏大防曰古者袞服
之飾繡黻于裳取其兩已相背而能成政也兩已
相背至銘諸躬而日服之以為監有以見人君御

臣之深戒在于喜同而惡異也苟惟取其所同而
 捨其所異則如晏子所謂以水濟水誰能食之一
 陽水六陰水有兩已相背而成文章為人望法之
 象亦有以水濟水而為人吐棄之象動容貌者吉
 凶之占惟所自取矣

敬二十一
 八章



有右入者有左出也匪其汎灑裕舒豁聞

汎息音以
灑沙下切

或作酒裕呼舍切舒虛加切裕舒谷中大空貌
豁聞許下切豁聞大聞也古賦裕舒豁聞

諺言一耳為入一耳為出以忠邪命進于前甘言

與苦言、公議與私議、交入于耳、聽言不可以不審、
无稽尤不可聽也、四右耳以陰柔、方有入、九左耳、
以陽剛、旋有出、无稽勿聽、謹其壅之、此若不待汎、
灑工夫、自有重門洞開、八牕玲瓏氣象、而爲大空、
大開之吉占、潛虛聽而不聞、是謂耳瞶、聞而不擇、
是謂心聾、諺耳硬舌結、目硬舌滅、

敬二十九章



或焚或燄、俱當夜五、或出或處、或殊默語、喚起催歸、
勿失其侶、无咎、
歸子規其聲云不如歸去喚起江南

人謂之春、夏、秋、冬、如絡絲、韓詩、與起、窓、全
暗、催、歸、日、未、西、心、花、裏、鳥、又、與、盡、情、啼

二七皆南方火位、二生火為熒、七成火為熒、俱當
五夜、二七相得而有合、此嚮明治朝也、二以居陰
退處而默、七以居陽進出而語、出處異致、語默異
宜、宜起喚起、宜歸催歸、各行其志、各當其可、易曰
二人同心、其利斷金、同心之言、其臭如蘭、是之謂
勿失其侶、而占无咎

敬三
十章



鷄、鷄、吉、有他、不雀、不鳴、羊、禍、既、夷

瑞應圖、王者有德、則比翼鳥至、風土

記雀夕翬鳴畫盲又凡禽夜鳥目皆不能視莊子鸛
鵲夜景蚤察毫末畫目不見丘山五行傳羊目大而
不精明視氣毀則有羊鵲爾雅東方有北目魚名鰈
南方有北翼鳥名鵲鵲四方有北肩獸叩叩距虛名
鴈北方有北肩民即半體人各一目一鼻一臂一腳
亦猶魚鳥之相合中有枳首蛇岐頭蛇也此四方中
國之異氣也

鵲鵲鵲鳥也一翼一足一目相得乃飛爲三八合
成木德明哲具全之象有他有時不比也諺一眼
開一眼閉開謂用其明閉謂不用其明用其明爲
明不用其明亦爲明初匪如雀之夕翬而鵲之畫
鵲安得而有不明之禍故占言朱子曰甲木之陽

乙木之陰乙以質言甲以氣言陰主翕凡聚歛成就乙爲之陽主闢凡發暢暉散甲爲之

敬三十
一章



黃鵠逢冥勿戢其翎晉日之晝忽激迅雷有爲之聽

无咎

黃鵠水鳥日行千里霆特丁切疾雷謂之霆聽他丁切古者中庭治官處謂之聽事漢晉皆作

聽六朝以來始加六

一七水火相克无五思以爲巾主一有威儀在身

火水未濟伏于下位空戢其羽以兩剛成敵勢欲

上行黃鵠逢冥勿戢其翎也七少陽之數交午之

敬三十一
二章

敬三
二章

利用折讓

見古龍切善時戰切撰土戀切斷都容切

七 離卦三九之數，虎應二十七。故致爲虎形。

三目九耳、金木相克、兩剛成敵、无五爲主、九有孤
 聽之審、三有免、瞭之見、然而君子有所弗貴、謂惟
 任耳目以爲視聽也、且目高所以見遠、耳下所以
 聽卑、九耳三目、高下失則、九火三雷、于噬未噬、更
 撰則高其目、下其耳、如太玄所謂目上于天、耳下
 于淵、以數象言、如止樂之伏虎、虎嘯而風生、風生
 而萬籟皆作、虎伏而風止、風止而萬籟皆息、以火
 雷得合言、動而明、合而章、噬嗑而亨、將獄不待聽

而自无是為利用折讞之象占

敬三十
三章



徒牙之麀喜還之狼无咎獲其一物道蛇足張道龍

角藏吉

麀諸良切四足之美有麀即麀也鹿有角不能獨麀有牙不能噬狼魯堂切似犬善順後

性怯走喜還惕于去言問神篇龍蟠于泥蛇其肆矣

蛇蜺蜺即名易一名蜺蜺其尾色時變青白玄綠无

定在蜺曰守宮蜺能而角如蛇而有足東方朔射

覆詞臣以為龍又无角謂之為蛇又有足跂跂脉脉

善緣壁是片

守宮即蜺蜺

陰數始二極八二八相舍居天地之中以卦言八

為艮當中宮之生土于東北二為坤當中宮之成

土于西南亦爲天地之中、天地之中、人之中也。言惡乎妄、視惡乎妄、徒牙之麀、麀有牙不能噬、口无惡言也、喜還之狼、狼善顧後、性怯走喜還、目能反視也、諺曰、舌凶場、是非惡海、言是傷人、斧口是殺人、刀、休說前人長短、自家背後有眼、上看千仞、不如下看一寸、前看百里、不如後看一鞭、如麀與狼、旣可以補、又不明之過、能要五中、以中爲官、守而勿失、則匪必待言與視而從、又作哲之用、愈光、故占吉。

堂下遠于千里

君門遠于萬里

二屬言九屬聽二九相克九聽易墜于上二言易
睽于下二非止于堂上堂下百里千里其去九蓋
君門萬里之遠也。桃導也。有柄小鼓持其柄而搖
之則旁耳還自擊鐸度也。金鐸金口金舌木鐸金
口木舌號令之限。嘉言伏于二聰聽實于九非搖
桃以還擊一人之耳而若自尤其不聰。卽振鐸以
警衆人之耳而欲羅天下以爲聰。如是而嘉言有
攸伏者无之。九以剛德要終故有高提之象且必

以二克成精故无不利

歌三十
六章

一〇〇〇〇〇〇〇〇一

南翥惟鵠北向惟鵠回翔東西合鸞皇以爲氏吉无
咎翥章恕切或作老鵠張流切鵠鵠也出南越常向
日飛飛數隨月正月一飛畏霜露早晚稀出有時
夜飛則以木葉自覆背上古云鵠鼠飲河止于滿腹
鵠得商葉才能覆身志常南向雖東西回翔開翅之
時必先向南翥一云鵠鵠之聲若云行不得也亦取山
谷詩南山之鵠竹鷄凡年入鷗鵠便且驚此鳥爲公
行不得報晴報雨總同聲李獻吉禽言行不得哥哥
東有木公西王婆面向面設賢見張羅行不得哥哥
杜兮切音與題同一名子規一名杜鵑凡鳴必向此
其聲曰不如歸去禽經黃鸝謂之鸝說文五方神鳥
中史曰鳳皇氏都
奚切音與題同

鵠飛必南向、鵠鳴必北向、一原始九要終、九離爲
明庭、一坎爲幽谷、一九相含、以一向九、鵠鵠南翥
也、以九向一、鵠鵠北附也、樂於肆惡、拘檢慎明顯
忽、隱暗、此人情之常、甚則淺陋、是居遠天、无志高
貌、是宅卑、聽藐如、以貌則不勝其狂、以聽則不勝
其急、其于恭肅聰謀之用、始終何有、鵠之南、一要
九、旣恐明有所不嚮、鵠之北、九原一、又恐幽有所
不聞、鵠匪但南、鵠匪但北、自東自西、又有廻翔、以
貌必兼言之、從以聽必兼視之、明南北東西、必求

其中自一而上由三而要于五中自九而下由七而要于五中无中常中若五方神鳥以黃則謂之鸞以中央則謂之皇不啻左提右揭而中處然恭從明聰落根于睿肅又哲謀要歸于聖五事原始要終之占曾无以加此故吉可以與天下共寡過故无咎